

S **LO**
Afl. 1.25

BRIYANDO FUERTE • TRECIENDO CLARIDAD
DIARAZON 30 APRIL 2025

Di Pueblo



WWW.SOLODIPUEBLO.COM



SOLODIPUEBLO@GMAIL.COM

Hues a ordena pa laga e acusado liber promer cu e condena
HOMBER CU A MANDA AUTO RIBA POLIS
CONDENA 1 AÑA DI PRISON



BON MANEHO FINANCIERO DI MEP A
PRODUCI E SURPLUS CU AWE POR DUNA
PENSIONADO 250 FLORIN EXTRA NA
REPARATIETOESLAG

FALTA DI RESPET PA PARLAMENTO
Y PROCESONAN TA PREOCUPA
PARLAMENTARIO TROMP-LEE.



PARLAMENTARIO EVELYN
WEVER-CROES TA FELICITA
E COMUNIDAD DI BONEIRO
RIBA DIA DI RINCON



POLIS Y AMBULANCE A
BAY DAKOTA PA DAMA MA
ESTADO HERIDA



Minister Geoffrey Wever: INAUGURACION DI SHOCO BOULEVARD NA IBEROSTAR JOIA



Diadomingo atardi Minister Wever a atende e inauguracion di e prome Shoco Boulevard na Iberostar JOIA. Despues cu na 2019 Aruba Birdlife Conservation (ABC) a pone e prome burrows artificial na Tierra del Sol, 8 di December 2024 a inaugura e prome Shoco Sanctuary na Tiera del Sol hunto cu Gobernador di Aruba S.E. Alfonso Boekhoudt y chief sustainability officer/owner di Iberostar Group Gloria Fluxá.

Aruba Birdlife Conservation ta creando e framework pa un National Shoco Conservation Plan; esaki ta rekeri ayudo di ful e comunidad. Diasabra ultimo a firma un MoU entre otro hotelnan y ABC pa hunto cuminsa crea green corridors of mini-hubs unda e Shoco por biba.

Asina aki diadomingo ultimo e prome hub pa shoco a bira un realidad na hotel JOIA na Eagle beach, unda a firma e agreement formal entre ABC y hotel JOIA

Durante e ultimo fase di construccion di hotel JOIA november ultimo prome cu a habri su porta nan un shoco a traha su neishi net bandi di e edificio. Aki ABC a indica cu e area aki ta perfecto pa e prome green corridor of mini-hub. Cu cooperacion di JOIA a para construccion completo pa algun siman pa asina por a proteha e neishi. Esaki tabata e comienso di e idea y construccion di area proteha, cu awe Shoco Boulevard.

“Mi ta contento di mira con un corporacion den deliberacion cu diferente stakeholdernan local pa conserva loke ta di nos, ta yega na otro asina hunto pa crea espacio riba nan tereno pa nos flora y fauna por biba y florece. Sigur un iniciativa hopi bunita y importante pa sostenibilidad.” Minister Geoffrey a comenta.

Minister Wever ta duna danki na Sr. Peterson y ABC pa e tremendo iniciativa aki como tambe na gerente di JOIA Aruba pa tambe forma parti di

esaki. Pronto lo bai mira aki rond di Aruba pa asina mei mei di nos hotel nan. mas di e green corridors duna nos flora y fauna e of mini-hubs artificial nan espacio pa sigui florece



Werkgeversvereniging Arubaanse Bouwnijverheid

Nos ta felicita tur trahador ariba Dia di Obrero
pa e **dedicacion y contribucion** pa hiba
nos pais Aruba den **progreso**.

WERKGEVERSVERENIGING ARUBAANSE BOUWNIJVERHEID (WAB)

ALBO ARUBA N.V.

ARUBAANSE WEGENBOUW MAATSCHAPPIJ N.V.

BOHAMA ARUBA N.V.

BOPEL TECHNICAL SERVICES N.V.

CHS TECHNICAL CONTRACTING & TRADING COMPANY N.V.

CROON CARIBE N.V.

THIEL CORPORATION N.V. & THIEL RESOURCES N.V.

TOTAL SERVICES ARUBA N.V.

PRO-TEC MECHANICAL CONTRACTORS ARUBA N.V.

ROBERTSON FIRE PROTECTION N.V.

CRYSTAL POOL SERVICES

AMAST N.V.

Pabien ariba boso dia !!!

Parlamentario Xiomara Maduro: BON MANEHO FINANCIERO DI MEP A PRODUCI E SURPLUS CU AWE POR DUNA PENSIONADO 250 FLORIN EXTRA NA REPARATIE TOESLAG



Parlamentario Xiomara Maduro ta felicita tur pensionado cu e fin di luna aki ta bay cobra 250 florin extra na Reparatie toeslag. Como ex Minister di Finansa, Parlamentario Maduro ta mira e fruta di su trabou grandi haci den ekipo pa drecha finansa publico di Aruba, atende cu un pandemia y logra crea espacio financiero den un surplus di cual por duna pensionadonan na Aruba un subida di 250 florin extra riba e 200 florin cu

ya caba ta wordo duna na pensionadonan.

Mester bisa si cu e promesa politico cu Mike Eman a gana den eleccion cune ta pa duna TUR pensionado 700 florin y no 250 florin, pero lamentablemente Eman a haci promesa sin calcula si Gobierno tin placa pa cumpli cu e promesa aki. Pa scapa cara Minister Eman a declara cu ta MEP a laga un presupuesto atras cu no tin suficiente placa pa paga e 700 florin, ya cu MEP a baha loonbelasting y asina ki ta reduci entrada di Gobierno y ta stroba e Gobierno di AVP FUTURO pa paga e 700 florin na e pensionado.

Aki ta unda Parlamentario Maduro kier aclarea cu e rebaho di e loonbelasting cu awe gran parti di

Pueblo y un grupo grandi di pensionado ta disfruta di dje, a costa caha di Gobierno 26 miyon florin. Un suma cu facilmente por wordo paga di un surplus di 500 miyon florin cu e Gobierno di MEP ta laga atras. Sinembargo e promesa di Mike Eman pa duna 700 florin na

tur pensionado ta costa minimo 182 miyon florin. Y ya cu cada aña ta bin 900 pensionado acerca, e suma di 182 miyon florin ta keda crece cada aña y hopi lihe e gastonan ta surpasa 200 miyon florin pa aña pa por cumpli cu e promesa aki di Mike Eman. Ta sumanan bastante grandi cu

Gobierno no lo por paga, ya cu tin debe y otro gastonan pa paga. Di tur manera Parlamentario Xiomara Maduro ta contento cu danki na e trabou duro di MEP y e surplus di 500 miyon florin laga atras, awe pensionadonan por haya 250 florin extra den nan cartera.

DEPARTAMENTO DI IMPUESTO LO TA CERA RIBA E DIANAN VENIDERO

En conexion cu Dia di Labor y un dia colectivo di ATV

Departamento di Impuesto ta participa cu su oficina principal na Camacuri como tambe tur otro oficina den distrito lo ta cera riba diahuebs dia 1 di mei 2025 y diabierna dia 2 di mei 2025. Esaki en conexion cu Dia di Labor y un dia colectivo di ATV.

Dialuna dia 5 di mei 2025, Departamento di Impuesto lo brinda servicio segun e orarionan di custumber. Departamento di Impuesto ta pidi tur contribuyente pa tuma bon nota di e cambio menciona pa evita cualkier inconveniencia.

Gerencia di Departamento di Impuesto

29 di mei 2025

FELIZ DIA DI
Obrero

Awe, nos ta celebra e comunidad trahado cu ta duna forma na nos isla, y cu ta carga e curasonan y pasion di nos comunidad. Bo aporte ta keda uno valioso pa nos isla. Masha danki!





NoticiadiCorte

Hues a ordena pa laga e acusado liber promer cu e condena

HOMBER CU A MANDA AUTO RIBA POLIS CONDENA 1 AÑA DI PRISON

Hues di Corte di Husticia den Promer Instancia a dicta sentencia den e caso penal cu Ministerio Publico a cuminsa contra e homber J.P.(30) biba na Hulanda. Ta asina cu Hues a ordena pa laga J.P. liber promer cu su sentencia, pasobra Hues tin un otro decision cu loke Fiscal a exige.

SOLO DI PUEBLO por a compronde cu Fiscal a exige 18 luna di prison pa J.P. mientras cu Hues a baha e castigo na 1 aña di prison.

18 LUNA DI PRISON EXIGI

Dia 4 April 2025, durante tratamiento di e caso, Fiscal a bisa cu e ta haya cu riba 17 October 2024, J.P. a purba mata un agente di Polis cu auto. Na opinion di Fiscal, danki Dios cu e

agente a bula un banda pa e auto no dal'e.

Fiscal a remarca cu na Hulanda, J.P. tin un carchi di castigo hopi largo. El a muestra cu na 2016 caba, Corte na Hulanda a condena J.P. na 6 aña di prison pa intento di mata. Fiscal a sigui bisa cu J.P. tambe tin condena pa droga.

Fiscal a bisa cu e ta haya cu J.P. ta un residivista. Fiscal a exige 18 luna di prison pa J.P. Fiscal a bisa cu e droga lo wordo destrui. E celular y placa lo mester wordo debilbe.

HUES A BAH E CASTIGO EXIGI

Hues a bisa cu e no ta haya prueba cu J.P. a purba di mata e agente di Polis. Hues a bisa cu e ta haya cu J.P. a purba di causa herida severo na e agente di Polis. Hues a bisa cu e motibo cu

e no ta haya proba intento di mata ta pasobra e no ta haya cu J.P. tabata core cu velocidad halto y bay riba e agente di Polis. Hues a bisa cu e ta haya prueba cu J.P. tabatin droga den e auto.

Pa cu e castigo, Hues a bisa cu e ta tene cuenta cu J.P. a bay cu e auto riba e agente di Polis. Hues ta haya cu esaki ta mina trabao di Polis. Hues a tuma J.P. na malo pa esaki. Tambe Hues a cu J.P. tabatin cocaina cun'e.

Hues a condena J.P. na 12 luna di prison di cual 6 luna ta condicional cu un tempo di prueba di 2 aña. Hues a bisa cu el a duna orden pa laga J.P. sali liber tempran, pasobra Hues ta haya cu ya caba J.P. a sinta suficiente castigo.

EXPERTONAN A CONSEHA GOBIERNO RIBA POSIBEL SOLUCIONNAN PA MITIGA RIESGONAN ECONOMICO

Un aspecto crucial di e preparacion di Aruba pa enfrenta e incertidumbre economico global ta e rol di expertonan. Minister Wever a splica den Parlamento cu, basa riba e monitorio continuo di e desaroyonan na Merca, e expertonan a provee consehonan valioso na gobierno.

E consehonan aki ta cubri un scala amplio di topiconan, incluyendo posibel efectonan riba

inflacion, tasa di interes, poder di compra y estabilidad general di e economia.

Basa riba e input di e expertonan aki, gobierno a hiba un dialogo profundo cu diferente instancianan clave, incluyendo e Departamento di Asuntonan Economico, Departamento di Finansa y Banco Central di Aruba.

E meta di e dialogonan aki tabata pa haya

un comprendemento mas profundo di e analisisnan di e expertonan y pa traha hunto riba posibel strategianan y solucionnan pa mitiga e riesgonan identifica. E colaboracion aki entre gobierno y expertonan ta fundamental pa tuma decisionnan informa y pa implementa politicanan efectivo den un ambiente economico dinamico.

POLIS Y AMBULANCE A BAY DAKOTA PA DAMA MA ESTADO HERIDA

CAYA JUANCHO KOCK - Dialuna merdia pa atardi polis y ambulance a bay un adres den Caya Juancho Kock situa na Dakota.

Na e cas segun nan a bisa cu lo tin un dama na estado herida y lo ta sangrando. Polisnan a bin topa cu e dama, pero parse cu no por a saca mucho informacion di

kiko lo a pasa. En berdad e lo tawata tin un corta chikito, pero nada serio.

Dado momento segun e dama e no ta sinti e baby den su barica. Paramediconan cu a yega a cana cu ne direccion e ambulance pa dun'e e tratamento atencion medico necesario y tambe papia cu ne un rato pa saca afo kiko exactamente a sosode.



DEPARTAMENTO DI ASUNTO SOCIAL TA UNI SU MES NA E CAMPAÑA “CENDE LUZ BLAUW” PA PREVENCIÓN DI ABUSO DI MUCHA



E aña aki un bes mas ta dedica e luna di April na conscientisacion ariba e tema di Abuso di Mucha na Aruba. Pa medio di e campaña di “Cende e Luz Blauw”, ta trata pa trece conscientisacion riba e importancia pa nos muchanan lanta den un

ambiente sigur, cu amor y asina preveni abuso di mucha den nos comunidad.

Diferente organisacion a bay ta uni nan mes na e campaña aki y nos departamento sigur no ta un excepcion. E aña aki, Departamento di Asunto Social a scohe pa ilumina su oficina na Lagoenweg na Playa cu un luz blauw - un simbolo internacional

di prevencion di abuso mucha.

Cu e acto simbolico aki e departamento ta demostra di ta sostene e lucha pa defende e derecho di cada mucha y ta traha duro pa un futuro sin abuso.

Departamento di Asunto Social ta convenci cu: “Prevencion di abuso di mucha ta un responsabilidad di tur

hende! Y p’esey ta pidi comunidad henter pa sea alerta riba e diferente señalnan di un mucha; pa kere semper loke e mucha ta bisa y pa laga un mucha solamente den man di un hende di confiansa.”

Hunto, nos ta pone luz riba e realidad duro, y hunto, nos ta lanta un muraya pa proteha e futuro di nos muchanan!

DIALOGO AMPLIO CU STAKEHOLDERNAN ECONOMICO DI ARUBA PA COMPRONDE IMPACTO

Despues di a consulta cu e expertonan y e instancianan gubernamental relevante, Minister Wever a enfatisa e importancia di a drenta den un dialogo amplio cu e stakeholdernan principal di e economia di Aruba. E encuentran aki tabata crucial pa haya un comprendemento di con e sector priva ta wak e posibel impacto di e desaroyonan internacional riba nan operacionnan y riba e economia en general.

E minister a menciona especificamente e reunionnan cu representantenan di AHATA (asociacion di hotelnan), ATIA (asociacion di comercio y industria), CUA (probablemente un otro asociacion comercial), Camara di Comercio y AFBA (asociacion di banconan).

E dialogonan aki a permiti pa scucha di nan banda unda nan ta premira e riesgonan mas grandi y tambe pa intercambia di idea riba posibel accionnan cu por wordo tuma pa mitiga e eventual implicacionnan negativo. E inclusion di e perspectiva di e stakeholdernan ta esencial pa un abordahe integral y efectivo di e desafionan economico.

FELIZ DIA DI OBRERO

*Awe nos ta honra e
dedicacion y contribucion
di cada un trahado cu ta
yuda construi y fortalece
nos pais.*

 **SETAR**

Preparacionnan pa Weganan Olimpico Los Angeles 2028 den ful swing

Presidente di e Comision di Coordinacion di LA2028 Nicole Hoevertsz ta conta mas

Cu e inicio di e Ciclo Olimpico nobo, a drenta e fase final pa cu e preparacionnan pa e Weganan Olimpico cu lo tuma luga e biaha aki na Los Angeles na 2028. Manera ta conoci, esaki lo ta e di tres edicion di e Weganan Olimpico cu lo tuma luga na e bunita ciudad aki (1932 y 1984) y e preparacionnan pa cu esaki a cuminsa di e momento cu e ciudad a gana

e oportunidad pa unabes mas ta e anfitrión pa e evento di deporte mas grandi na mundo.

Nicole Hoevertsz cu ta e presidente di e Comision di Coordinacion di LA2028 ta conta mas sobre e ultimo desaroyonan pa cu e preparacionnan pa e evento monumental aki. #TEAMARU



Frans Ponson (CUA)

Importacion di Cuminda Minimal:

Bon Noticia pa Aruba den Encuentro Parlamentario

Dialuna mainta, durante un encuentro publico den Parlamento cu Minister Geoffrey Wever, Frans Ponson di Comerciantenan Uni Aruba a trece un mensahe positivo pa e comunidad. El a confirma e observacion di e sector comercial cu e nivel di importacion di cuminda actualmente ta uno significativamente abao. E declaracion aki ta un reflejo di e esfuersonan continuo pa diversifica e fuentenan di suministro y ta un bon indicacion pa e estabilidad di prijs di alimentacion riba nos isla. E hecho cu importacion di cuminda no ta halto ta un alivio den e contexto global actual di fluctuacion di prijs. Esaki ta un factor cu por

contribui na mantene un costo di bida mas stabil pa e residente di Aruba. E colaboracion entre e sector priva y gobierno, manera muestra den e encuentro parlamentario, ta crucial pa atende e retonan economico di nos tempo.

Clasificados

SOLODIPUEBLO@GMAIL.COM
CEL. 585 9500

SOLO Di Pueblo

Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com Resultado: Sorteo di Merdia - April 29, 2025		
CATOLCHI Sorteo # 4606 8354 5525 4314	LOTTO 5 Sorteo # 0 x Jackpot 0 x Match 4+ 0 x Match 4 0 x Afl. 12,00	Joker Letter Proximo Jackpot 380.000,-
MULTI X X2 BIG 4 Sorteo # 4606 8439	LOTTO DIA Sorteo # 0 x Jackpot 0 x Match 4 0 x Afl. 8,00	Proximo Jackpot 52.000,-
FP DFF Sorteo # 2662 8009	MEGA Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00	Mega Ball Proximo Jackpot 270.000,-
ZODIAC Sorteo # 4606 7185 Acuario	MEGA Afl. 370.000,-	
LUCKY 3 Sorteo # 1480 794	KORSOU Sorteo #	
MULTI X X2		

Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com Resultado: Sorteo di Anochi - April 29, 2025		
CATOLCHI Sorteo # 8531 1738 4324 4784	LOTTO 5 Sorteo # 0 x Jackpot 0 x Match 4+ 0 x Match 4 0 x Afl. 12,00	Joker Letter Proximo Jackpot 380.000,-
MULTI X X2 BIG 4 Sorteo # 7575 1681	LOTTO DIA Sorteo # 6811 0 x Jackpot 4 x Match 4 127 x Afl. 8,00	05-15-20-21-28 Proximo Jackpot 52.000,-
FP DFF Sorteo # 2280 3622	MEGA Sorteo # 0 x Jackpot 0 x match 4 6 x Afl. 500,00 53 x Afl. 50,00 49 x Afl. 15,00	Mega Ball Proximo Jackpot 270.000,-
ZODIAC Sorteo # 6334 7663 Sagitario	MEGA Afl. 370.000,-	
LUCKY 3 Sorteo # 1264 830	KORSOU Sorteo #	
MULTI X X2		

DIA DI OBRERO

DIA DI OBRERO
UN DIA PA REFLECCIONA
RIBA BO BON TRABAU DESPLEGA, DEN
UN TEMPO
CORTIKO OF DURADERO
DIA DEN DIA AFOR
BO TA TRAHA DURO CU AMOR PA BO
FAMIA POR TIN TUR COS CU MESTER
CUMINDA RIBA MESA
PANYA PA BISTI
UN BUKI PA LESA
GRADICIMENTO PA SINTI
UN MENTE DI UN GUERERO DI PAZ
CAPAS DI DUNA UN MAN NA BO PROHIMO
RUMAN
TRABAU TA PROGRESO
PROGRESO TA TRABAU
TUR RAMO Y TUR AREA
TA LANTA MAINTA TEMPRAN
MANERA TERA TOPA LAMAN
MANERA E TRONCON DI KIBRAHACHA

LANTA SPARCHA
LANTA PA SCUCHA Y DUNA
INFORMACION
DUNA LES OF SCAPA UN BIDA PA POR
STIMA
TRAHA DEN CONSTRUCCION
OF DEN UN OF OTRO FUNDACION
TRABAUNAN MUCHO HOPI PA MENCIONA
PA UN SALARIO CU TIN CU INSPIRA PA
CUBRI GASTO
Y MOMENTONAN DI PLASER PA RELAHA
PABIEN NA NOS OBRERONAN
DANKI PA BOSO BON TRABAO
DANKI PA TRAHA CU BON ENERGIA Y
RESPET
CU AUTO OF BUS BIN ABAO
PA SIRBI TURISTANAN EXIGENTE
CORDA TUMA BREAK , TA ALGO
NECESARIO Y URGENTE
PA RECARGA E BATERIA HUMANO CU
MAS ENERGIA



PA BOSO TAMBE GOZA BOSO DIA CU
SALUD Y ALEGRIA
DUNA SERVICIO CU UN SONRISA BUNITA
Y TENDE E BIENTO TA SUPLA Y GRITA !
DIA DI OBRERO TA DI NOS TUR !
RUTHY " LADY RUTH" MEI 2025

FALTA DI RESPET PA PARLAMENTO Y PROCESONAN TA PREOCUPA PARLAMENTARIO TROMP-LEE.



Un otro punto di enfoke di Parlamentario Tromp-Lee durante e encuentro publico tabata e falta di cumplimento cu procesonan parlamentario y e falta di respet di parti di e minister concerni. E reunion, originalmente yama den comision pa dos siman pasa, a wordo

posponi pa peticion di e minister mes, kende a alega di no tabatin documentacion prepará. Tromp-Lee a expresa su decepcion cu despues di a concede e peticion di posponemento, e minister no a mantene comunicacion pa confirma si e reunion lo tuma luga diahuebs manera acorda. E parlamentario a purba di establece contacto sin exito, y a haya sa di e desaroyonan solamente via presidente di Parlamento. Tromp-Lee a subraya e importancia di respet mutuo y debido proceso den trabou parlamentario, specialmente ora topiconan di importancia nacional ta wordo trata. El a spera un miho coordinacion y comunicacion den futuro.

Feliz Dia
di Labor

En conexion cu Dia di Labor
SVb lo ta cera riba:

Diahuebs 1 di mei 2025
Diabierna 2 di mei 2025

Por notifica AO via di
MiSVb Trahado App
unicamente di
7or pa 11or di mainta.

GOBIERNO TA DUNA AUMENTO DI REPARATIEOESLAG SIGNIFICANTE PA PENSIONADO

Dialuna dia 28 di april, Prome Minister di Aruba, mr. Mike Eman, a tene un reunion importante cu presidente di Organisacion di Pensionado Publico Arubano (OPPA), sr. Ivo Valdes. Durante e encuentro, Prome Minister a comparti e grato noticia cu entrante 30 di april, mas di 19.000 pensionado di AOV (Algemene Ouderdomsverzekering of AOV) lo mira un aumento efectivo di 250 florin riba nan entrada mensual, den forma di reparatietoeslag. E aumento aki ta representa un cambio substancial despues di hopi aña.

Ademas, mas cu 2000 persona cu tin pension di vuida y huerfano, pues e Algemene Weduwen- en Wezenverzekering (AWW) tambe lo haya e aumento aki tur luna. OPPA, representando un grupo grandi di nos comunidad, a indica na varios ocasion cu hopi pensionado ta lucha pa cubri necesidadnan basico tur luna. Gabinete AVP-Futuro, reconociendo esaki, ta compromete pa sigui sondea maneranan pa

amplia y fortalece e sosten financiero pa esnan cu tin solamente un pension.

Mike Eman a enfatisa cu e intencion original di gobierno tabata pa duna e prome fase di aumento, e suma di 400 florin, pero e cambio repentino den maneho fiscal di gobierno anterior a limita e posibilidad pa haci esaki manera tabata kier. Prome Minister a sigura cu Gobierno lo sigui traha pa logra e meta di 750 florin di aumento na reparatietoeslag.

Banda di e aumento financiero, Prome Minister Eman a informa Ivo Valdes cu Minister di Salud Publico, drs. Mervin Wyatt Ras, ta trahando riba un plan pa amplia e lista di remedi cu ta cubri pa tur hende, cu e meta pa elimina pago adicional pa remedi, cual lo beneficia e pensionadonan y comunidad en general.

Segun Presidente di OPPA, ta pa e prome biaha durante su liderazgo cu gobierno a invita OPPA

formalmente pa sinta na mesa pa discuti plan- y documentonan entrega na formadornan. Segun Valdes, esaki ta un paso positivo y un motibo di speransa, señalando un cambio di manera di traha: un gobierno cu ta inclui e pensionadonan den nan plan di gobernacion.

E prome pago di e aumento di 250 florin na reparatietoeslag ta tuma luga e siman aki, un promesa concreto y cu ta cumpliendo cu ne relativamente lihe.

Valdes a compara e 250 florin actual cu e 30 florin cu a ricibi for di gobierno anterior, y ta optimista cu Gobierno AVP-Futuro lo cumpli cu e meta di un aumento total di 750 florin pa pensionadonan.

Gobierno ta cuminsa un caminda di restauracion di dignidad y seguridad pa nos pensionadonan, mirando cu gratitud atras riba tur e trabao y sacrificio cu nan a haci pa Aruba.

GOBIERNO TA DUNA PRIORIDAD NA LIMPIESA Y MANTENCION DI AREANAN PUBLICO

Dialuna 28 di april, Minister di Husticia, hunto cu Departamento di Obra Publico (DOW) y varios ploeg di limpieza, a reuni den Columbusstraat pa duna inicio oficial na un accion di limpieza intensivo den centro di ciudad. E iniciativa aki ta parti di un esfuerzo pa combati e consecuencia di negligencia durante di e ultimo añanan di e gobierno anterior.

Tur rond di centro di ciudad, ta remarcabel e cantidad di sushi y yerba cu ta crece pa nan cuenta, situacion cu no ta digno pa un ciudad turistico. DOW ya a cuminsa traha

pa limpia e area, kita yerba y sushi, y haci limpieza general den centro di ciudad.

Ta lamentabel cu apenas algun tempo despues di renovacion di e area, por mira e situacion cu a bay for di man. E falta di mantencion ta muestra claramente un negligencia di pasado. Gobierno anterior tabata gaba cu surplus financiero, pero realidad ta cu hopi area esencial tabata sin mantencion. Surplus sin inversion den infraestructura no ta un logro, sino un sintoma di falta di vision pa futuro di nos pais.

Minister Dowers ta

enfatisa cu mantencion di nos areanan publico limpi no ta solamente un responsabilidad di autoridadnan competente, pero tambe di cada ciudadano y comerciante. Cada doño di edificio tin e responsabilidad pa cuida e espacio dilanti su propiedad. Clientenan no mester cana entre sushi pa por drenta un negoshi. Ademas, edificionan bandona ta representa un peligro, cu material cu por cay y pone riesgo pa esnan cu ta pasa, pa cual ta urgi e doñonan pa mantene esakinan.

Minister Dowers, encarga temporalmente cu e



cartera di Infraestructura, a enfatisa cu lo haci un evaluacion hunto cu DOW riba nan funcionamiento pa optimalisa eficiencia y implementa un plan di mantencion continuo y estructura pa centro di ciudad y otro areanan.

Nos comunidad y bishitantenan merece un Aruba limpi, sigur y digno. E accion di limpieza di awe ta apenas e comienso. E trabao lo sigui y lo intensifica pa logra un Aruba mas limpi, sigur y dushi pa biba.

TAXI BOYS PA FINAL DEN TORNEO 4X4!



Calabas/Kudawecha - Shonnan, tin un dicho bieu den e “wandelgangen” di antaño aki na Aruba: “bo no por ranca pluma for di un morocoy”! Den fin di siman di Rey, riba diasabra 26 di april ultimo, e teamnan di domino Taxi Boys y Pluma Gang a enfrenta otro pa determina cua ekipo lo bay final dje

tremendo torneo 4X4 aya n’e mundialmente famoso Domino Square Garden.

Y ta aki, e anochi ey, cu e dicho bieu ey a bin na mente di varios presente. Pluma Gang DT por bien ta tin cu bay cambia nan number pa Morocoy Boys DT! N’e pito di salida, Taxi Boys a sali c’un ranca asina

fuerte y rapido, cu tabata parce cu e integrantenan di Pluma Gang tabata moviendo den slow motion! Cierito conocido miembro di comunidad, si e tabata presente e anochi ey, lo a grita nan cu nan piedra ta slap!

“Fast & Furious” a keda kens compara cu Taxi Boys! Den un frega di wowo, prome cu e prome sloknan di cerbes por a haya chens di muha nan pik, ya Taxi Boys a yega halftime cu score impresionante di 11-4! Integrantenan di Pluma Gang a keda wak otro cu cara di “que paso aqui?”, style di yuwana cu nan a rosa su mondi! Domino Square Garden a keda



‘klink’ so cada biaha piedra bati duro “Bam-Bam-Bam” y Taxi Boys score otro punto mas, lagando e morocoyan wowo ta blink manera coneu den luz di auto.

Despues di e tradicional pasapalonan por nada den halftime, e wega ta sigui y aki ta “lo mismito” ta sigui toca! Den un forma cu casi por bisa ta contra derechonan humano, e

integrantenan di Taxi Boys ta “despluma” Pluma Gang por completo. Den tempo record e wega ta caba c’un score aplastante di 21-10 pa Taxi Boys!

Shonnan, keda pendiente! E gran final lo bay ta entre Biba Lekker y Taxi Boys diasabra awor 3 di mei! Yegaaaa!

Feliz dia di

Labor

1 mei 2025

Aruba Wastewater Sustainable Solutions

ELMAR

WEB WATER- EN ENERGIEBEDRIJF ARUBA N.V.

Encuentro positivo entre Gobierno di Aruba hunto cu Eerste y Tweede Kamer



Dialuna 28 di april, Prome Minister di Aruba, mr. Mike Eman, hunto cu Minister di Relacionnan di Reino, mr. Gerlien Croes, a ricibi Presidente di Eerste Kamer Hulandes, Jan Anthonie Bruijn, y Presidente di Tweede Kamer Hulandes, Martin Bosma. Durante e reunion a dialogo riba varios tema di importancia pa Aruba y Reino Hulandes. Prome Minister Mike Eman a indica cu e reunion a duna oportunidad pa presenta e vision di e gobierno nobo na e delegacion Hulandes. Prome Minister Eman a pone enfasis riba e rol strategico cu Hulanda por tin den desaroyo di Aruba,

estimulando un relacion di win-win, manera a haci den pasado cu institutonan renombra manera KLM, Schiphol, Philips, Rietveld, y TNO. Esaki por crea un uistralingseffect pa Aruba na Hulanda, pa atrae mas instituto y empresa di prestigio cu por tin un participacion activo den futuro di nos isla. Prome Minister Eman tambe a anuncia cu otro siman, Wageningen University lo ta na Aruba pa aporta na e desaroyo agricola, un area di prioridad pa diversifica nos economia. E compromiso pa inverti den relacionnan di Reino ta un paso firme pa logra mas estabilidad

politico y apertura di oportunidadnan nobo pa tur Arubiano.

Relaciona cu e discusionnan riba e Rijkswet, Prome Minister a enfatisa cu aunke e gobierno apenas tin un luna na poder, a entrega tur documento necesario prome cu 1 di mei y ta spera cu Gobierno Hulandes lo reconoce esaki y tene na cuenta cu e atraso di pasado no ta responsabilidad di e gobierno nobo, sino un herencia administrativo cu awe nos ta traha pa cambia.

Minister di Relacionnan di Reino mr. Gerlien Croes a duna di conoce cu tin gran interes di banda di Hulanda

pa fortalece e cooperacion den Reino. Mester duna mas contenido y balor na e relacionnan den Reino y ta sinti cu tin apertura nobo pa traha efectivamente hunto. Presidente di Eerste Kamer, Jan Anthonie Bruijn, a cualifica e encuentro como un "intercambio di pensamiento productivo y constructivo." A referi na e importancia di e Comision KOREL (Comision di Relacionnan di Reino) y Comision di Defensa den luz di e cambionan geopolitico actual. "E relacion ta bon, y lo sigui fortifica esaki. Especialmente den e tempo di tension mundial, un relacion fuerte entre nos paisnan ta di suma importancia," Bruijn a declara.

Presidente di Tweede Kamer, Martin Bosma, a pone enfasis riba e crecimiento turistico di Aruba y e manera cu Hulanda por siña di nos exito. Aruba kier expande e prosperidad di e sector turistico pa yega cerca e comunidad completo y no solamente cerca e operadornan. Ademas a intercambia pensamiento riba otro industrianan cu por promove na Aruba, manera e industria hi-tech agricola, mirando e clima di segura cu tin na Aruba.

E reunion a tuma luga den un ambiente positivo y di respet mutuo, subrayando un futuro promovido pa e relacion den Reino di Hulanda.

Prome minister Schoof ta bishita parti Caribense di Reino

Prome minister Schoof, di 9 te cu 14 di mei, ta bishita Boneiro, Aruba, Corsou, Sint Maarten, Saba y Sint Eustatius. E bishita di cera conoci ta den e cuadro di Reino den un mundo cu ta cambiando.

Banda di encuentran cu gobernado-, prome minister- y miembronan di Staten di Aruba, Corsou y Sint Maarten y gezaghebber- y consehonan insular di

Boneiro, Sint Eustatius y Saba, e bishita ta encera un programa diverso.

E bishita ta cuminsa na Boneiro, unda e prome minister lo profundisa su mes den historia y naturalesa, pa despues e tene diferente combersacion riba e isla.

Riba 10 di mei e ta continua su biahe pa Aruba. Aki e ta bishita un empresa local y e

ta bishita Hospital Horacio Oduber y Korrektie Instituut Aruba (KIA). E prome minister ta sali 11 di mei pa Corsou, unda e ta haya un recorrido na e base di marina.

E siguiente dia e ta sigui su biahe pa Sint Maarten, unda e lo keda informa tocante temanan di desaroyo economico, reconstruccion y bon gobernacion. Riba 13 di mei tin bishitanan na Saba y Sint Eustatius

riba e programa. Na Saba e prome minister, lo bishita dos proyecto grandi: waf y desaroyo di St. Johns. Aki ta construyendo un sala di deporte, un scol tecnico y un asina yama 'enrichment center'. Na Sint Eustatius ta sigui un recorrido den cuadro di Statia 2026.

Na final di e dia prome minister Schoof ta bolbe biaha pa Sint Maarten.

Riba 14 di mei tin riba e programa entre otro un bishita na e Cruise Terminal den cuadro di desaroyo economico, na Courthouse y na proyectonan di reconstruccion cu a inicia despues di e destruccion causa pa horcan Irma na 2017.



Parlamentario Evelyn Wever-Croes

PARLAMENTARIO EVELYN WEVER-CROES TA FELICITA E COMUNIDAD DI BONEIRO RIBA DIA DI RINCON

“Aruba y Boneiro ta islanan ruman y nos ta y lo keda semper uni den historia y cultura di nos pais”



30 di April ta un fecha hopi special pa nos rumannan di Boneiro mirando cu riba e dia aki nan ta celebra Dia di Rincon.

E aña aki ta di 36 aña cu Boneiro ta celebra Dia di Rincon, na unda e comunidad completo ta bini hunto pa celebra nan cultura, historia y tradicionnan.

E dia aki ta inicia cu un actividad na unda ta hisa e bandera na Rincon sigui pa varios actividadnan y un parada cultural.

Parlamentario Evelyn Wever-Croes ta manda palabra di felicitacion na e comunidad completo di Boneiro pa cu e dia aki y ta spera cu nan goza di e dia aki den grandi, dunando asina mas forza y union na henter e comunidad.

Aruba y Boneiro ta islanan ruman y nos ta y lo keda semper uni den historia y cultura di nos pais.

Masha pabien riba boso dia.



Minister-President Mike Eman ta duna regalo simbolico na presidente di Eerste y Tweede Kamer

Durante e bishita na Aruba di e presidente di Eerste Kamer, sr. Jan Anthonie Bruijn, y e presidente di Tweede Kamer, sr. Martin Bosma, Minister-President Mike Eman a entrega, den nomber di pueblo di Aruba, algun regalo special cu ta representa e naturalesa y e herencia cultural di nos isla. Sr. Bosma a ricibi un buki special tocante di e cocolishi di Aruba: "The Archeology of Aruba: The Marine Shell Heritage". E obra aki ta conta e historia di e habitantenan prehistorico di Aruba y nan relacion special cu naturalesa. E cocolishinan cu den e tempo prehistorico tabata fuente di alimentacion y materia prima pa traha joya, herment y obra di arte, ta awe den nos tempo testigo fisico di un comunidad cu a biba den harmonia cu medio ambiente. Durante di siglo, e monton di cocolishi bandona, manera na Malmok, a bira lugá arkeologico cu ta conta historia di sostenibilidad, invencion y respet pa naturalesa. Den e buki ta describi, entre otro cos, con e Arubionan original a uza e cocolishinan cu maestria – no solamente pa necesidad basico, sino tambe pa expresa un conexon profundo cu bida y cu lama. E industria



di cocolishi di e Arubionan original por tuma como un ehempel di un version inicial di algo manera un economia circular, unda cuminda, herment y simbolismo tabata uni den un estilo di bida sostenibel. Como un honor adicional, siguiendo cu e tradicion bunita di sr. Bosma pa habri e sesionnan di Tweede Kamer cu un poema, Minister-President Eman tambe a ofrece un poema skirbi pa

su mes, titula "Over Zeeën Eén":
Over Zeeën Eén
Zoals schelpen rusten op verre stranden,
aan Eagle Beach, wit onder de zon,
of langs Scheveningen, nat van de branding,
elk een geschenk van natuur, elk even schoon.
Broeders zijn wij – onder sterren in de hemel,
dragers van een oude, levende verbintenis:

in het Koninkrijk dat niet breekt op de dijken,
maar groeit in de ruimte die tussen ons is.
Verre, nabij, anders, toch één –
in woord, in hoop, in erfgoed bewaard,
een vlechtwerk van eilanden en land, rivieren en steen,
door de oceaan niet gebroken, maar verklaard.
Cu esaki, Minister-President Eman a enfatisa e profundo

union den Reino Hulandes – manera un mosaico di isla y pais, uni pa historia, cultura y balornan comparti.
Manera e cocolishinan riba playa leu ta testigo di un pasado uni, asina mes e relacion entre Aruba y Hulanda ta refleha un herencia comparti cu ta sigui crece – no apesar di, sino precisamente pa motibo di e espacio y e diferencianan entre nan.

Parlamentario Tromp-Lee ta indica.

Reunion riba economia prematuro y falta di preparacion di minister

Parlamentario di MEP, drs. Shailiny Tromp-Lee, a expresa su fuerte opinion dialuna durante un encuentro publico, calificando e reunion riba e situacion economico actual como prematuro. Segun e parlamentario, e cantidad grandi di documento ricibi net prome cu e reunion lo a permiti un analisis mas profundo den un comision

parlamentario. Esaki lo a facilita un dialogo mas constructivo cu e Minister encarga, brindando asina un claridad mas concreto na pueblo riba e plannan di gobierno. Tromp-Lee a lamenta cu e tempo limita no ta permiti un debido analisis di e documentonan, ni tampoco haci preguntanan fundamenta. El a señala cu

preocupacionnan existi basa riba proyeccionnan di IMF, Banco Central di Corsou y Sint Maarten, y Bureau Economisch Amsterdam, tur indicando un crecimiento economico reduci y un inflacion mas halto. E parlamentario a enfatisa e necesidad pa Aruba ta bon prepara pa e impacto di e desaroyonan aki

riba turismo, empleo, y e cartera di ciudadanonan.

Clasificados

SOLODIPUEBLO@GMAIL.COM
CEL. 585 9500

SOLO De Pueblo

Inscripcion pa e estudio pa Maestro di Enseñansa Primario di IPA ta cera dia 4 di mei

ATA BO ULTIMO OPORTUNIDAD PA INSCRIBI PA AÑA ACADEMICO 2025-2026!

Bo ta buscando un profesion cu ta haci impacto riba generacion actual y futuro generacion? Scoge pa e profesion maestro di Enseñansa Primario. Como maestro bo lo crece riba tereno profesional y personal, bo lo haya satisfaccion di bo trabao y bo lo contribui na futuro di bo pais. Scoge pa e estudio pa Maestro di Enseñansa Primario di Instituto Pedagogico Arubano (IPA) y ta e cambio!

E estudio pa maestro di Enseñansa Primario ta forma maestro cu ta cualifica pa duna les na mucha di scol preparatorio y/ of scol basico: un maestro cu ta funciona competentemente den klas, na scol y den comunidad. Tin dos grupo di participante cu por haci e estudio pa maestro di Enseñansa Primario:

1. Estudiante cu tin diploma di sea havo, vwo of mbo nivel 4 of si ta den examenklas di esakinan.
2. Tur persona cu desde 1 di september 2025 tin minimo 21 aña y cu kier haci un estudio na IPA, pero no tin diploma di sea havo, vwo of mbo nivel 4, por inscribi pa haci e asina yama 21+ Toets.

Si bo pasa e 21+ Toets cu exito, bo ta bin na remarca pa participa na e test di admision mesun cos cu e studiantenan cu tin diploma di sea havo, vwo of mbo nivel 4. Inscripcion pa 21+ Toets a cera dia 29 di november 2024, esaki ta nifica cu no lo por



inscribi mas pa haci 21+ Toets pa aña academico 2025-2026.

Informacion general di e estudio pa Maestro di Enseñansa Primario
Tur informacion di e estudio pa Maestro di Enseñansa Primario ta riba website di IPA. Subi www.ipaaruba.com y click riba opleidingen sigui pa Leraar Primair Onderwijs. Aki lo bo haya informacion di entre otro contenido di e estudio, kico bo por haci despues di e estudio, gasto y procedura di inscripcion.

Inscripcion

Bo ta sinti bo yama pa haci e estudio aki y ta desea di inscribi? Inscripcion ta tuma luga via nos website

www.ipaaruba.com. Pa por inscribi mester cumpli cu e pago di AWG 80,- y pone como anexo copia di comprobante di pago den formulario digital di inscripcion. Tene na cuenta cu e comprobante mester tin bo nomber riba dje, p'asina nos sa na ken e pago ta pertenece. Na final bo lo ricibi confirmacion di bo inscripcion. E ultimo dia pa inscribi pa e estudio pa Maestro di Enseñansa Primario ta 4 di mei 2025. Despues di e fecha aki no tin posibilidad mas pa inscribi.

Esaki ta e oportunidad pa pone meta nobo y tuma bo futuro den bo man. Bay p'e!

Paga bo cuenta online ta facil

Sea
Abonnement
of Aviso



Pa hasi pago online pone nomber y adres na
cuenta di banco RBC Sunmax Printing
account # 7700000100152447

Registra pa Aruba Bank Walk & Run 2025 dia 1 di mei y #OwnYourVictory

Oranjestad, 29 di april, 2025: Dia 1 di mei, 2025, pa 6:00 PM, e registracion di Aruba Bank Walk & Run 2025 ta habri!

Tur esnan cu ta cla pa forma parti di e magno evento aki por registra online, via e siguiente link: <https://raceroster.com/events/2025/103023/19th-aruba-bank-walk-and-run-2025>, via e Aruba Bank Walk & Run App, of via e pagina di Facebook di Aruba Bank.

E aña aki tin 100 lugar adicional en conexion cu e di 100 aniversario di banco. Una bez cu yega e cantidad di 2600 registracion, por

sigui registra riba e lista di espera "wachtljst". Una bes cu bo registra bo ta haya un email cu bo number di confirmacion.

E ultimo cinco numbernan bo ta uza pa haci bo pago di AWG 25 y confirma bo participacion. Por haci transaccion online of paga cu Debit card na IBISA.

Entrante 5 di mei por busca pakete solamente na IBISA Oranjestad di 8:00am-4:30pm. Riba diaranson 7 di mei nos tey te cu 7:00pm.

Entrante diahuebs 8 di mei nos ta habri a base di "first come first serve", pues tur esnan riba wachtljst tambe por haci nan pago y forma

parti di Aruba Bank Walk & Run tanten cu tin lugar.

Aruba Bank lo regala un moneda conmemorativo yama "Victory Coin" na tur esnan cu participa tur cuatro (4) dia na e evento, como simbolo di logro.

Aruba Bank, IBISA, y Subway ta invita pueblo pa registra y participa na e grandioso Aruba Bank Walk & Run 2025 dianan 19, 20, 21 y 22 di mei.

Y tambe pa mantene bo mes bon informa via nos website, Facebook of Instagram. Si tin pregunta por manda email na: arubabankwalkrun@gmail.com



Parlamentario Shailiny Tromp-Lee

Preocupacion pa impacto economico negativo ya crece MEP TA PIDI PLAN DI CONTINGENCIA DI GOBIERNO

E proyeccionnan negativo di organisacionnan internacional manera IMF y Banco Central di Corsou y Sint Maarten ta lanta un alarma serio pa e futuro economico di Aruba. Parlamentario di MEP, drs. Shailiny Tromp-Lee, a resalta e preocupacion aki durante un encuentro publico, enfatizando e posibel impacto riba turismo, werkgelegenheid, y e costo di bida pa e ciudadano comun.

Tromp-Lee a urgi gobierno pa no keda man crusa

y cuminsa prepara pa e shocknan cu por bin. El a puntra especificamente riba e posibilidad di stimula produccion local y crea un fondo di emergencia social, similar na e tempo di COVID-19.

Tambe el a muestra interes den un colaboracion mas estrecho cu sector priva, incluyendo AHATA, CUA, y ATIA, pa mitiga e posibel caida den turismo y mantene e costo di bida stabil. E parlamentario ta boga pa un plan di



contingencia concreto pa atende e desafionan economico venidero.

NO DRENTA DEN E SOCIEDADNAN SATANICO

No drencia den nan asambleanan satanico, nan ta bao di un capa secreto. Nan ta haci nan huramentonan den nan iniciacion ritual. Bijbel ta bisa, 2 Corinthionan 6: 14 – 18: “ No uni boso mes cu hendenan cu no ta creyente. Kiko santidad tin di haci cu maldad? Kiko lus tin di haci cu scuridad? No por tin harmonia entre Cristo y satanas? Kiko un creyente tin di comun cu un incredulo? Tempel di Dios por sera aliansa cu diosnan falso? Wel, nos ta tempel di Dios bibo.” Bijbel Mateo 5: 34 – 37: “Ami ta bisa boso: No hura mes pa ningun motibo. Ni pa Cielo, pasobra Cielo ta trono di Dios, ni pa tera, pasobra tera ta banki di Su pianan, ni pa Herusalem, pasobra esaki ta e Stad di E Rey Grandi. Tampoko no hura pa bo cabes, pasobra bo no por haci ningun draachi di cabey preto of blanco. Laga bo si ta si y bo no ta no. Tur loke bo pone aserca ta bini di e diabel.” Nan ta rechasa e unico berdad di Dios Tata. Bijbel ta bisa, den Deuteronomio 6: 4 – 5: “Scucha Israel: Yave, nos Dios, ta e unico Dios. Stima Senyor bo Dios di henter bo curason, di henter bo alma y di henter bo curpa.” Esnan den sociedad satanico, nan ta nenga cu Cristo Hesus ta Senyor y Salbador y nan ta bay riba nan mes moral perfection y riba nan mes esfuerso. Bijbel ta bisa, Huan 14: 6; “Hesus ta contesta: Ami ta caminda, berdad y bida. Ningun hende no ta jega cerca Tata, si no pa medio di Mi.” Bijbel Efesionan 2: 8; “Pasobra boso ta salba pa medio di Gracia di Dios, pa medio di Fe den Cristo. Anto boso no ta haya salvacion pa medio

di boso mes esfuerso, ma e ta un regalo di Dios.” Nan ta ignora e bijbel di Dios y nan ta compara e Bijbel, mescos cu nan textonan pagano. Bijbel ta bisa, 2 Timotheo 3: 16 – 17; “Tur loke ta para scirbi den Escritura, a keda inspira pa Dios y ta util pa instrui, defende, coregi y pa educa hende pa justicia, pa un hende homber di Dios sea perfecto.” Nan ta adora diferente diosnan pagano. Bijbel ta bisa, Exodo 34: 14; “No adora ningun otro dios, pasobra Senyor ta un Dios celoso y E no ta tolera ningun otro dios. P’esey no sera ningun combenio cu e habitantenan di e pais ey.” Bijbel Exodo 20: 3, Dios Tata ta bisa: “Lo bo no tin otro diosnan, cu no ta Ami.” Nan ta nenga di menciona e nomber di Hesus den nan asamblea. Bijbel ta bisa, Philipensenan 2: 10 – 11; “Pa cu den nomber di Hesus tur rudia lo dobla, di habitantenan Celestial, habitantenan terenal y spiritonan infernal y tur lenga lo profesa na honor di Dios Tata, cu Cristo Hesus ta Senyor.” Esnan den sociedad satanico, nan ta rechasa e salvacion pa medio di fe den Cristo Hesus. Bijbel ta sinja, cu Cristo Hesus a muri y a resucita, Hesus ta e Unico caminda cu e humanidad por reconcilia cu Dios Tata. Bijbel Echonan 4: 12: “Den dj”E so por haya salvacion; riba mundo no tin ningun otro Nomber duna na hende, cu por salba nos.” E sociedad satanico ta sinja, cu nan ta trece lus of iluminacion pa nan miembronan. Bijbel ta bisa, Huan 8: 12, Hesus ta bisa: “AMI ta lus di mundo. Esnan cu sigi Mi, lo no cana den scuridad, ma lo e tin lus di bida.” Esnan den sociedadnan satanico,

nan ta haci pactonan diabolico, osea bende nan almanan pa jega nan meta y nan ta wordo marca riba nan man of frenta cu e micro-chip di e bestia 666. Bijbel ta bisa, Apocalipsis 14: 9 – 11; “E di tres Angel a sclama na bos halto: Kende cu adora e bestia y su imagen y laga pone e marca riba su frenta of su man, esun ey lo bebe di e binja di Dios Su rabia, cu ta prepara puro den copa di Su ira y lo e keda tormenta cu candela y zwavel dilanti di Angelnan, Santonan y di E Lamchi. Y huma di nan tormento ta subi bay halto den siglo di siglonan. Ni di dia, ni anochi nan no tin sosiego na esnan cu ta adora e bestia y su imagen y kende cu ta acepta e marka di su nomber.” E organisacion aki, nan ta bini cu e, New World Order, pa tur pais. Bijbel ta bisa den Revelacion 13: 16 – 17: “Nan ta haci cu tur hende, chikito y grandi, riko y pover, liber y catibo, ta ricibi un marca riba nan man drechi of riba nan frenta, pa ningun hende no por cumpra ni bende, si e no tin e marca ey, esta nomber di e bestia of number di su nomber.” Akinan por comprende, cu lo bay jega tempo, cu plaka, ATM card, credit-card, paspoort, cedula, rijbewijs, pension, AZV card etc. no tey mas, nan ta wordo kita, pero tur esakinan ta wordo programa den un micro-chip y den e micro-chip tin e marca di e bestia 666. Y lo bo wordo controla via satellite, pa medio di e micro-chip den bo curpa. Mira You Tube, The New World Order, Bible Revelation 13 !

Skirbi pa Seferino Tromp. Un mensahero di Dios.

SUDOKU

		8		3		5	4	
3			4		7	9		
4	1				8			2
	4	3	5		2		6	
5								8
	6		3		9	4	1	
1			8				2	7
		5	6		3			4
	2	9		7		8		

8								
		3	6					
	7			9		2		
	5				7			
				4	5	7		
			1				3	
		1					6	8
		8	5				1	
	9					4		

							3	9
	8							5
		9		6		8		
		5		9				6
7								
		8	4		6			
		3		8			5	
	2		7			6		
4						1		

FORTALEZA PA FAMIA

Scirbi pa Pastor Marcel Balootje.

LAGA COSNAN BIEU BAY , PA BO RICIBI COSNAN NOBO DI SENJOR



Ora nos ta pega den cosnan bieu, y nos no kier laga los, nos ta persisti den maldad, nos no kier entrega, nos ta sigi coba den bida di hende, nos ta sigi molestia, sigi tira cos na cara, no ta pordona, pero ta sigi husa pasado di hende como ofensa, pa asina halsa nos mes kierendo cu nos ta mihor, anto lamentablemente e momento ey , nos ta duna senjal di amargura y arogancia den nos bida.

Si como mayor bo kier pa bo yiu drecha su bida, ta imposibel pa bo ta lanta zundra tur dia, riba cosnan bieu, ta yega e momento di demostra amor, pasobra amor ta cura herida, amor ta lanta hende bek ta restaura bida di hende, pero si nos ta lanta tur dia terciendo culpabilidad delante, esey

ta haci dificil pa corecon y disciplinaa tuma lugar.

Isaias 43:18-19 ta bisa nos claramente: No recorda e cosnan di antes, ni keda pensa riba cosnan cu a pasa caba. Mira mi ta bay haci algo nobo, awor esaki ta bay sali na cla, boso no ta ripara esey? Lo mi traha un caretera den tera seco, y ruinan den desierto.

Di berdad di berdad, pa nos bida avansa, nos mester pone cosnan bieuw un banda, pasobra no tin ningun clase di gananshi den keda cana cu pensamentonan di rencor y odio, tur locual ta habri herida, di pasado nos mester aparta di dje. Pasobra e enemigo lo keda husa esey constant pa trece tristesa y asina dramatiza nos bida constant, cu ta hiba nos bida

atras, y nos salud mental ta wordo ataca.

Dios mes ta bisa pa laga cosnan bieu atras, pasobra

Dios sa bon, cu tin cosnan di nos pasado cu ta haci dolor, y cu nos mes no por haci nada contra dje, pesey Dios ta bisa nos pa aparta for di cosnan di pasado.

Hopi biaha nos pasado ta mara den scuridad, nos pasado ta mara den pica di inmoralidad, bruheria, orguyo, arogancia, discriminacion, y den e cosnan ey no tin ningun clase di crecemento.

Diabel ta gusta biba den pasado di hende, pa asina e por wanta hende atras den scuridad y asina e por tin dominio riba mente di hende, pasobra cada biaha cu nos rabia, of nos ta tristu , e diabel ta cohe bentaha den nos bida y pasobra esey ta su plan , pa horta, pa mata, y pa destrui (Juan 10:10).

Nos tin cu wak bon pa nos cas ta cas di oracion, y no un cas di rabia y odio, pasobra cu heridanan bieuw e enemigo ta haci nos cas un cas di murmuracion. Y murmuracion ta

completamente contra e palabra di Dios.

Ta tempo pa nos fiha nos bista riba e bondad nan di Dios, y no riba locual nos a perde den bida, pero tambe pone nos bida riba e bondad di Dios, riba tur locual E a haci pa nos y sigi bay dilanti no wak atras.

Dios sa tur cos, kico E ta permiti den nos bida, tin biaha tin prueba chikito y tin biaha tin prueba grandi y doloroso, pero den tur cos Dios ta duna nos sosten, y nunca Dios ta duna nos un carga mas pisa cu nos por carga. Y tambe Dios ta duna salida for di tur tentacion.

Pakico sigi preocupa , si nos no por cambia ni un cabey riba nos cabes, preocupacion ta haci hende malo, e ta afecta hasta weso di hende, tur locual ta presion halto , por wordo causa door di un simpel preocupacion.

Sinceramente, Pastor Marcel Balootje.

Oracion di dia

Un dia fructifero y cu e luz di Cristo por briya den cada un di nos

" ... Pasobra tur hende cu halsa nan mes, lo keda humilia, ma esun cu humilia su mes, lo keda halsa". Lucas 18,14

Awe nos ta lesa e importancia di humildad y reconoce nos faltanan. Nos por ta manera e fariseo husgando otro y halsando su mes of manera e cobrado di belasting ta reconoce su falta y su necesidad di compasion. Cu humildad nos ta sirbi otro sin busca recompensa; scucha mas y papia menos, na balora e otro nan pa loke nan ta y no pa loke nan tin of ta aparenta di ta. Reflexionando continuamente ta yuda evita na cay den orguyo y na mantene nos mirada fiho den e mision cu Señor a confia nos. Biba cu berdadero humildad ta nifica rechasa e mascaradanan cu hopi biaha nos ta pone pa impresiona of pa competi cu otro. No biba un bida superficial of di falsedad, sea un luz pa mundo unda e luz di Cristo ta briya den bo. Loke ta importa no ta con otro nan ta mira nos, sino con Dios ta mira nos. Ser bo mes y cu humildad ta acerca nos na e berdadero esencia di nos fe y esey ta haci nos un instrumento den e man di Dios.

Oracion : Señor Hesus, haci mi curason pareu na bo curason. Manso y humilde y obedecido na bo Santa boluntad.

Amen.

Clasificados



SOLODIPUEBLO@GMAIL.COM
CEL. 585 9500

